

Сән эклц дөнънгодджәнә

Механизатормудин кӧдлм-шиг сән шунлтта болгъхин тӧлә болн үүрмг ясврмуд гарсар агрегатмудиг зогсащ уган учрт, Элст балгъсна «Победа» колхозин хойрдгч бригадт мастерской бӱрдәх болдж шиидгдв.

— Мастерской гаргънавдн, бригадин бәәдл - джиргълиг чигн сәәхрӱлнәвдн, — гидж колхозин ахлач үр Г. П. Полоусов шидр келлә. Түүнә дарук бдрәс авн бригадин нӧкд болгч үр Каземиров мастерскойин тосхлтиг эклдж кев.

Эн бригадт звеньевод Овчарован гардврт бәәх күүкд бийснь бәәсн герән газагъа-

снь болн дотагъаснь шалдч-кв, хаша дотркан цеврлчкв. Ода эдн бригадиннь наадк үлдсн гермүдинь шалдджана, цецгә болн мод тәрджәцхәнә. Эн тоот кӧдлмшәрн негдгч номертә бригадиг социалистическ дӧрлдәнд дуудв.

Овчарован сән эклциг дөнъндж, колхозин ахлач үр Полоусов эн бригадт «Родина» радиоприемник авч өгв. Эдн дунд нәр-наад, ду-би бӱрдәдж гаргъхин тӧлә струнн оркестр авч өгхәр бәәнә.

Бригадмудин кӧдлх бәәрнә культурун бәәдл-джиргълинь яслгъна сар, — гидж КПСС-н Элст балгъсна коми-

тетин зарллгъиг кӱцәлгънд хойрдгч номертә бригадин ни ницнъгъү коллектив шундж орлцдж, эврәннь бригадин бәәрнд турник кечкв, спорт-площадкс цеврлгдджәнә, энүнд кергтә зер-зев авгдджана, бань болн нань чигн олн-зӱсн кергтә тосхлтс темдглгдджәнә.

Балгъсна парторганизациас гегән-герлин кӧдлмш бӱрдәгъәчнр гидж колхозмудин бригадмудар әмт гаргългън, КПСС-н Элст балгъсна комитетин чик сән йовдл гидж тоолх кергтә.

ПАВЛА Д.